




Կ Ր Ո Ն Ա Կ Ա Ն

ՄԵԾ ՊԱՀՔԻ ԽՈՐՀՈՒՐԴԸ

Մեծ պարհ է, ապաշխարության օրերու Կրօնական հասուկ պաշտամունքների, արարողությունների, սուրբգրական խորհմաստ ընթերցումների խորհրդավոր, սրտագրավ և ուսանելի շրջանն է, երբ Եկեղեցին հրավիրում է հավատացյալներին ինքնամփոփման, հոգևոր խնկմունքների, ժուժկալույթյան, աղոթքի և ապաշխարության:

Մեծ պահքը Քրիստոնեական Եկեղեցու հնագույն և կարևորագույն ծիսական կարգադրություններից մեկն է, որը ծանոթ է «Քառասնորդի», «Քառասնորդական պահք» և «Աղուհացի» անուններով:

«Կարգեցին առաքելքն և եղին հաստատութեամբ եթէ զի օր (քառասուն օր) պահս կարդասցեն յամենայն զօրութեամբ... և ապա տօն յարութեան Փրկչին» («Առաքելական կանոններ», հոգված 8):

Հետագայում, Հայ Եկեղեցու լուսաբնակ հայրապետները, գեղեցիկ և շինիչ գաղափարն են ունեցել Հարության տոնը կանխող հիսնօրյա (Ավագ շաբաթն էլ հաշված) պահքի և ապաշխարության այդ օրերը համարել հավատացյալի հոգևոր պատրաստության, բարոյական արժանապատվության փառնալուծան՝ որպես նախապատրաստություն տերունական փրկագործության խորհրդի:

«Այսօր մաքրեցարու՜մ պահօք քառասնօրեայ, զի ելցուք ի լեւոն իմանալի առ Աստուած» (շաբաղան):

Քրիստոնեական մտածողության համար մարդը կազմված է հոգուց ու մարմնից՝ նյութից, և կյանքը՝ պայքար է հոգու և մարմնի,

աստվածայինի և աշխարհայինի, երկնայինի և երկրավորի, մարդու իմացական բարձր իդեալների, ձգտումների, տեսիլների և երկրաբարձ կրքերի, ցանկությունների միջև:

Պահքը, Պողոս առաքյալի բացատրությամբ, այն շրջանն է, երբ հավատացյալին առիթ է տրվում սանձելու մարմինը, ասուարեղ տալու համար հոգու թռիչքին. «Ձի ոչ է արեայութիւնն Աստուծոյ կերակուր և ըմպելի, այլ՝ արդարութիւն և խաղաղութիւն և խնցութիւն ի Հոգին Սուրբ» (Հռովմ. ԺԴ 17):

Մարմինը դարձնել հոգու բարձրացման, ազնվացման, պայծառացման միջոց: Մարդը կոչված է իր ետևից տանելու նյութը, նյութը ոչ թե թշնամին, այլ ծառան է հոգու, մտքի, կամքի: Մարդն իր մտածումները, զգացումները արտահայտում է նյութ-մարմնով, ուրեմն պետք է մարմնական կարիքների վրա հաստատել հոգու տիրապետությունը, իրավունքները, որովհետև «ոգի առաել է քան զկերակուր» (Մատթ. 23) և «Մի՛ վասն կերակրոյ քակեր զգործն Աստուծոյ» (Հռովմ. ԺԴ 20): Այսօր ինչքան էլ պահքի հին, խիստ, կարդապահական, նյութական հասկացողությունը կորցրել է իր երբեմնի նշանակությունը, «Որ ուտէն, դայն որ ոչն ուտէ, մի՛ անդոսնեսցէ» (նույն տեղում), այնուամենայնիվ, պահքի նշանակությունը պահում է հավատացյալի կյանքում իր արժեքը, կրօնաբարոյական, դաստիարակիչ իր դերը, որպես հոգեկան կարգապահության, հավասարակշռության սկզբունք և առիթ՝ մարդու ոգեկան ազնվացման, մարդկային առաքի-

նությունների արմատավորման և կատարելագործման ճանապարհի վրա:

Արդարև, պահքը անօգուտ է, եթե պահեցողը՝ զուրկ է հոգեկան, բարոյական, մարդկային առաքինություններից: ՔՋԻԽ անասնոց ոչ ուտեն, և զեղբորն անյագաբար ուտեն: Գինի ոչ ըմպեն և զհոգին արեամբ շողախեն: Զամուսնացեալսն ատեն, և պիղծ խորհրդով հանապազ պոռնկին» (Եզեկի):

Մեծ պահքի և առհասարակ ապաշխարության օրերի մեր եկեղեցական արարողությունները, ժամերգությունները, շարականներն ու սուրբգրական ընթերցումները շատ զեղեցիկ են, խորհրդավոր, շինիչ և ստեղծում են հավատացյալի համար այն քաղցր, սրտագրավ մթնոլորտը, երբ մարդ, ինքնաբերաբար նույնիսկ, մղվում է մտամոխիման, իրական խոկմունքների, ապրելու մի պահ իր սեփական ներաշխարհով, ինքն իրեն դեմ հանդիման, որպես մեղադրող և մեղադրյալ, իր խղճի և իր Աստուծո առաջ:

Մեր շարակնոցը հարուստ է ապաշխարության նվիրված շարականներով, որոնք հայ հոգևոր քնարերգության անկրկնելի գանձերից են: Ապաշխարության շարականների կանոնը վերագրվում է Ս. Մեսրոպ Մաշտոցին: Գեղեցիկ, պատկերավոր, անմիջական, պարզ ու վսեմ են այդ շարականները, սաղմոսների, մեր հին չլալեաց երգածների ոգով և շնչով գրված, որոնցում մարմնի բանտում և մեղքի ճիրաններում տվալսող հոգին, չբղիժամբ արտասուաց և հառաչանօք սրտի», ձգտում է մաքրագործվել, ախտահանվել, ձերբազատվել իրեն կաշկանդող կապերից և վերադառնալ սկզբնական մաքրության, սրբության, լույսին և կյանքին, որ է Աստված:

Ապաշխարության շարականների գլխավոր թեման մեղավոր մարդն է և նրա իղձը՝ մեղքից ձերբազատվելու: Ըստ շարականների, կյանքը վշտի, արցունքի հովիտ է, իսկ մեղավորը՝ հավիտենական ուղևորը՝ անպաշտպան, անօգնական, մարմնով ծեծված, հոգով հիվանդ՝ կյանքի ալեկոծ ծովու վրա, որպես տաշեղ, բայց շրթների վրա սրտագին աղոթք՝ փրկվելու Որբան իրական, ճիշտ և ամբողջական է հետևյալ պատկերը, կյանքի փիլիսոփայությամբ զգծված.

«Մով կենցաղոյս հանապազ զիս արեկոծէ,
Մրկեալ ալիք թշնամին ինձ յարուցանէ.

Նաապեալ բարի, լեր անձին իմոյ

ապաւննա:

Մեղքի, ապականության, չարիքի դիմաց մեղավորի սիրտը զգարհուրի ի յանցանաց, նա զգում է իր մեղավորությունը և աղերսում ջերմորեն.

«Քանզի ծանրացան ի վերայ իմ բեռները
մեղաց.

Դարձո զցասումն քո ի մէջն...

Բժշկեա զհոգւոյ իմոյ զհիւանդութիւնս...

Պարգեհա ապաշխարութեամբ լուանալ

զմեղս:

Ապաշխարությամբ, զղջման հաշորդում է աղոթքը.

«Յամենայն ժամ աղաչանք իմ այս են՝

Ի մեղաց իմոց սուրբ արա զիս, Տէ՛րս:

Ապաշխարության շարականները մեղավոր հուզու ճիչ են. «Ի խորոց սրտից» բխած խոսք, անկեղծ, ջերմ, անմիջական, մարդկային, որոնցում խտացել է մեղավոր մարդու ողբերգությունը և փրկության իղձը:

Արդարև, այս շարականների պարզությունը, ոսկեգրայն լեզուն, «անարվեստ արվեստը» պայծառ վկայությունն է նրանց վաղեմիության, հնության: Նրանց մեջ չկան Մենդյան, Աստվածածնի, հալի, Եկեղեցու, Ս. Հոգու նվիրված շարականներին հատուկ դավանաբանական, մեկնողական, ճառախոսական տարրեր: Ապաշխարության շարականները երգվում են մեր Եկեղեցում պահքի օրերին, շաբաթապահքերի ժամանակ և Մեծ պահքի շրջանում:

Մեծ պահքը կամ Աղուհացից կիրակիներին շարականների ամբողջ կանոնը Ս. Ներսես Շնորհալու հոգեկիր և ոգեշունչ գրչին են պատկանում: Այդ շարականները ևս իրենց բովանդակությամբ, ոճով, արվեստով շատ պարզ են, գեղեցիկ, իմաստալից, ուսանելի, նման ապաշխարության շարականներին, և որոնք իրենց խորհրդով հավատացյալի մտածման առաջ, Մեծ պահքի օրերին, բացում են առաջագործության, մարդու ստեղծման, դրախտում երանական կյանքի, մարդու անկման և հուսկ ուրեմն փրկագործության՝ այսինքն Քրիստոսի մարդնեղության, շարադրանքների և հառաչանքների խորհուրդը, այլ խոսքով՝ մարդկային հոգու փրկագործության դրաման:

Մեծ պահքը կիրակիներին նվիրված այս խորհուրդը հատուկ է միայն Հայ Եկեղեցուն:

Մեծ պահքը առաջին կիրակին կոչվում է Բուժ բարեկենդան, զուտ հայկական մի տոն, որպես լավ ապրելու, առատ ուտելու, կերուխումի, ուրախության, զվարճության, ազգային օր, հավանաբար նախաքրիստոնեական շրջանից, ինչպես ցույց է տալիս ժողովրդական երգը՝

«Բարեկենդանի օրեր է,

հեղձս գլխես կորեւ է»:

Քրիստոնյա մյուս ժողովուրդները մեր Բարեկենդանի փոխարեն ունեն իրենց աղ-

գային ուրախության օրը, «կառնավալ»-ի տոնը:

Բայց Բարեկենդանը միայն սովորական ուրախության, կերուխումի օր չէ. դա ունի կրոնաբարոյական խոր նշանակություն:

Ըստ Շնորհալու, Բարեկենդանը նվիրվել է Սուրբազործության, մեր նախահայր Ադամի ստեղծման, նրա աստվածային ծագման և դրախտում անցկացրած երբեմնի երջանիկ, երանական կյանքի հիշատակին:

Արարչագործությունը ավարտվում է վեց օրում: Ստեղծագործության յուրաքանչյուր «օր»-ը նշանակում է մի հավիտենականություն, մի դարաշրջան: «Հազար ամ յաշս Տեառն որպէս օր երեկի, զի անց» (Սաղմ. 28 4): Աստված ժամանակի ընթացքում «քաոս»-ից հրաշակերտում է «կողմոս»-ը, տիեզերքը:

Ստեղծագործությունը կատարվում է նաև աստիճանաբար, պարզից դեպի բարդը, ստորինից բարձրագույնը, անգործարանավորից գործարանավորը, այնուհետև կենդանականը, բանականը և հոգեկանը:

Արարչագործությունից հետո «Աստված ետեւ զի բարի է»: Բայց դեռ չէր ամբողջացել ստեղծագործությունը: Պակասում էր մարդը:

Եվ ահա «ի վեցերորդ առաւօտին» Աստված ստեղծում է զգմարդն և փշեաց յերեսս նորա շունչ կենդանի (Մենդ. Բ 7), «հող յերկրէ», բայց «ի պատկեր իւր»: Աստված հագի է, մարդն էլ իր էությունը, բնությունը ոգեկան, հոգեկան էակ է:

«Զպատկեր իւրական խառնեալ ընդ հողանիւթ բնութեան»,— գրում է Շնորհալին Բարեկենդանի կիրակիին նվիրված իր «Բանն որ ընդ շօր էութեան» շարականում:

Աստված մարդուն օժտում է նաև ազատ կամքով և անձնիշխանությամբ, որովհետև արարչագործության մեջ կարեւոր տեղ է գրավում մարդը որպես ստեղծագործության լրումը, թագն ու պսակը, գլուխ-գործոցը, որպես միություն հոգու և նյութի: Մարդու մեջ նյութը հասնում է իր բարձրագույն ձևին և կատարելության՝ կենդանանալով, «ոգեկանանալով» և «փառավորվելով», «ոգեղեն»-ը խտանում, թանձրանում է մարդու մեջ, որով մարդը դառնում է, ըստ Շնորհալու, շփման կենտրոնը երկու աշխարհների, և որպես այդպիսին ապրում երկու աշխարհների մեջ, երկու աշխարհների համար:

Մարդը իր ոգեկան և նյութական բնությամբ «արարած»-ների մեջ ամենասիրելին է Աստուծո: Ամեն ինչ ստեղծվել է միայն մարդու համար. «Եւ օրհնեաց Աստուած զնոսա (Ադամին և Եվային) և ասէ. աճեցէք,

յցէք զերկիր և տիրեցէք զմա» (Մենդ. Ա 28): Աստուծո հոգածության, սիրո միակ առարկան մարդն էր, որովհետև նա ստեղծվել է աստվածային ընկերակցության համար:

Դրախտում մեր նախահայրը, ըստ Շնորհալու, «ցնծայր զուարճացեալ, անտխրական խնդութեամբ, քանզի զԱստուած տեսանէր միշտ խոնարհեալ ի դրախտին, յորմէ զուսոյն ճառագայթ տպաւորէր ի յինքեան» (շարական Բարեկենդանի):

Ադամ, սակայն, երկար ժամանակ չի կարողանում մնալ աստվածային ընկերության մեջ, սկզբնական արդարության՝ վիճակում: Նա չի պահում պատվերը և ընկնում է ու մեղանշում: Շնորհալին գեղեցկորեն նշում է, որ «պահք»-ի օրենքը, ըմբռնումը կար նաև Ադամի օրով, դրախտում, երբ Աստված արգելեց ուտել «բարու և չարի գիտության ծառ»-ից, «քանզի ի դրախտին որ սկզբանն օրէնսդիր պահոցն»։ Ի՞նչ է մեղքը: Մեղք նշանակում է հանցանք, վնաս, պատվերի կամ օրենքի դեմ կատարված գործ, ակտ և կամ ճշմարտության ուրացում: Իսկ կրոնական իմաստով մեղք են կոչվում այն գործերը, որոնք հակառակ են Աստուծո կամքին, աստվածադիր պատգամների և պատվիրանների: Մեղքի անխուսափելի հետևանքը պատիժն է. «զի թողակն մեղաց մահ է, այլ շնորհքն Աստուծոյ կեանք յափտենից ի Քրիստոս Յիսուս ի Տէր մեր» (Հռովմ. 2 23):

Ադամ մեղանշում է, եղծում իր մեջ աստվածային պատկերը, գերի է դառնում նյութին: Մինչդեռ նրա Աստուծո պատկերով ստեղծված լինելը հստակորեն թելադրում էր մարմնի ենթարկումը՝ նրա կատարելագործված, բարոյական ոգեկան բնության:

Ինչո՞ւ է մեղանշում Ադամ:

Ադամ մեղանշում է որպես բանական, ինքնագիտակից, ազատ և ինքնիշխան էակ: Կամքն է գործում ոճիրը, հանցանքը: Ադամի մեղանշումը «անխուսափելի» չէր: Նա կարող էր չմեղանշել: Ադամ «ճակատագրված» կամ «գատապարտված» չէր մեղք գործելու: Հետևաբար գործված մեղքը կամավոր էր: Նրան ստիպող, բռնադատող չկար: Ադամ կամավորապես փորձի ենթարկվեց և «պակաս գտաւ» և «ի միողէ մարգէ մեղք աշխարհ մտին» (Հռովմ. Ե 12):

Ադամ, որպես փոքր տիեզերք, իր մեղքով խանգարեց արարչագործության առաջընթացը, լրումը, դեմ գործեց Աստուծո կամքին, ընկավ դատապարտության տակ և արտաքսվեց դրախտից:

Մեծ պահքի երկրորդ կիրակին նվիրված է Ադամի դրախտից արտաքսման հիշատակին:

և կոչվում է մեր եկեղեցական օրացույցում Արտաքսման կիրակի:

Շնորհալին, պանոս երկրորդ կիրակէին Աղուհացից» շարականի մեջ գրում է.

«Որ զօրէնս սրբութեան պահոց նախ
ի դրախտին աւանդեցեր,
Ջոր ոչ պահելով նախաստեղծիցն,
ճաշակմամբ պտղոյն,
Ճաշակեցին զդառնութիւն մեղաց և
մահուս:

Ուրեմն, ըստ Շնորհալու, նախահոր հանցանքը անհնազանդութիւնն էր: «Անհնազանդութեամբ միոյն մարդոյ մեղաւորք բաղումք եղեն» (Հռովմ. Զ 19):

Աղամ փորձի ենթարկվեց, որովհետև ուրիշ կերպ կարելի չէր հաստատել և ստուգել նրա ազատ, կամավոր, գիտակից հնազանդութիւնը Աստուծո նկատմամբ: Աստվածադիր «պահճ»-ի օրէնքը ապահովում էր նախահոր ազատութիւնը, որովհետև նա առդար էր և արդարացի ոչ գոն օրէնք: Օրենքը կատարել, օրենքին հպատակվել, հնազանդվել երբեք չեն նշանակում ազատութեան բռնաբարում. «Եսկ ով որ յառեալ ի կատարեալ օրէնս ազատութեանն հայիցի և ի նմին կացցէ» (Յակոբ. Ա 23): Ազատութիւն չի նշանակում սանձարձակութիւն, անիշխանութիւն, կամակորոթիւն և անպատասխանատվութիւն: Աղամ իր արարքի համար պատասխանատու էր նախ իր անձի, որպէս բանական էակի, և ապա Աստուծո առաջ: Օրենքը պահելով և փորձութեան դիմադրելով էր, որ Աղամ պիտի հաստատեր իր համակերպումը, հնազանդութիւնը Աստուծո կամքին, որը բարի էր, համակ սեր և անսպառ զթութիւն: «Ուր Հոգի Տեառն է, անդ ազատութիւն է» (Բ Կորնթ. Գ 17):

Մեղանշումին անմիջապէս հաջորդեց պատիժը. «Երբում աւուր ուտիցէք ի նմանէ, մահու մեռանիցիք»: Այստեղ «մահ» հասկացողութիւնը նյութական իմաստ չունի, նշանակում է ենթակա լինել մահվան, նյութի բնութեան օրենքին, կորցնել ասկզբնական արդարութիւնը, մատնվել ֆիզիկական քայքայման, ապականութեան: Մեղանշելով, Աղամ անդամանելի վերքեր ստացավ, ապականվեց, ասում է Շնորհալին, «զանազան վիրք», և ընկավ «ի բազմապատիկ հիւանդութիւնս»: Աղամ գերի դարձավ իր ցանկութեանը և մարդու բնական բնազդները տեր դարձան նրա կամքին: Մարդու «բնութիւն»-ը չփոխվեց, այսինքն Աղամ մարդ լինելուց չդադարեց, բայց զրկվեց աստվածային ընկերակցութիւնից, ներկայութիւնից, օտարացավ Աստուծուց, մերկացավ «անմահութեան պատմութեանն զառաջին, զոր

զղեցեալ էր օծմամբ Հոգւոյն» և ենթարկվեց մեղքի ստրկութեանը, «մարդկային տկարութեան»-ը, այսինքն մեղքից չկարենալ խուսափելու հոգեկան վիճակի մեջ ընկալ. «Մեղք մարդոյ հաստատեալ են ի խնամս շարին, ի մանկութենէ իւրմէ» (Մենդ. Ը 21): Մարդու հոգեկան կործանումը անկանդնելի էր:

Բայց, եթե Աստուծո արդարութիւնը պահանջում էր մեղավորի պատիժը, ապա նրա սերը «ոչ կամի զմահ մեղաւորին, այլ զդառնալն նորա և զկեանքն»:

Մեղավոր մարդու նկատմամբ աստվածային սիրուց, զթութիւնից ծնվում են տերունական փրկագործութեան անհրաժեշտութիւնն ու խորհուրդը:

Մեծ պահոց երրորդ կիրակին նվիրված է Անառակին: Բոլորը գիտեն այդ սբանշելի առակը, նրա շինիչ, զգաստացնող իմաստը. Ավետարան՝ Ավետարանի մեջ. այնքան տիպական, մարդկային է առակը իր ամբողջութեան մեջ, որպէս իրական կյանքից պոկված մի էջ, մարգու ողբերգութեան, թշվառութեան, անկման մասին: Կյանքում շատ կան նման անառակներ, ամեն տեղ, բոլոր ժամանակներում:

Բայց խորքում, կրոնական իմաստով, Անառակի պատմութիւնը (Ղուկ. ԺԵ 11—32), ավելին է, քան սովորական առակը: Անառակ որդին մեղավոր մարդկութեան խորհրդանիշն է, նրա մանրանկարը: Անառակը իր և բոլոր ժամանակների Աղամն է, «սկզբնական մեղքը» «գործնական մեղք»-ի փոխակերպած, Աստվածային ներկայութեանց արտաքսում, ողբկան, իմացական իր շնորհներն ու զանձներ հումայնոս վատնած, կրքերին գերի դարձած, հոգեկան, բարոյական անկման վերջին հանգրվանին հասած Աղամ-անառակի կերպարն է նա: Արդարեւ, առաջին մեղքը ճաշակելուց հետո, մարդու մեջ ժառանգական, ունակական վիճակ դարձան մեղանշելու զգացումը, փորձութիւնը, գիտակցութիւնը:

Ողբալի, անկանգնելի, հուսահատական կլինեի մարդու հոգեկան կործանումը, եթե չլինեի փրկութեան հույսը:

Մարդը, սակայն, չպիտի կարողանար վերստին տիրանալ «անճառ բարի»-ին, որի համար ստեղծվել էր, եթե աստվածային նախախնամութիւնը, սերը չհոգար մարդու ճակատագրի մասին:

Մեղանշումից հետո մարդը բոլորովին չքվեց: Հին Կտակարանը հանդիսացավ փրկագործութեան նախապատրաստութիւնը և հավիտյաններ անցան, որպէսզի մարդը հոգեպէս, բարոյապէս պատրաստվի ընդուն-

նելու փրկության Ավետարանը Անառակը սնկման վերջին հանգրվանին էր հասել և շուններ միջոցը իր սեփական ուժերով փրկվելու Բանն Աստված իր վրա առավ սիրահոժար մարդկությանը փրկելու ազնիվ գործը, նյութի՝ մարդկային մարմնի միջոցով մարդուն հասնելու համար, ենթարկվելով մարդկային բնության անհրաժեշտ սահմանափակումներին, տկարություններին, «բաց ի մեղաց» և «սպառարագ վասն մեր ղենաւ», ցույց տալով հավիտենական կյանքի ճշմարիտ ուղին, ճնորա վիրօքն բժշկեցաք» Այսինքն, Քրիստոս իր վրա առավ սիրով այն տառապանքները, որոնց մեղավորը պետք է ենթարկվեր՝ քաղելու համար իր մեղքերը:

Ըստ Շնորհալու գեղեցիկ բացատրության (սեփանոն երրորդ կիրակիէից Աղուհացից» «Օրհնեմք զքեզ անսկիզբն Հայր» շարակալն)՝ Հիսուս մարմին առավ մարդուն նորից Աստուծո որդեգրության փառքին բարձրացնելու, վերականգնելու համար մարդուն մեջ եղծված աստվածային դրոշմը, տիրական պատկերը:

Ինչպես ստեղծագործության, այնպես էլ փրկագործության մղիչ շարժառիթը Աստուծո բարությանն է, սերը, զուրբ (Հովհ. Գ 16):

Բայց Աստված մարդուն չի կարող փրկել հակառակ նրա կամքին և համագործակցության: Մենք Աստուծո որդիներ կդառնանք մեր իսկ կամքով: Շատ հատկանշական է Անառակի առակի մեջ «եկեալ ի միտս իւր» բացատրությունը: Մեղավորը պիտի խորասուզվի իր հոգու ալբերի մեջ, պիտի ճանաչի իր պատասխանատվությունը գործած մեղքի մեջ, խոստովանի համարձակ կերպով, որ իր մեջ դեռևս ունի աստվածայինը, և անկման վերջին հանգրվանի վրա էլ տա փաստը իր հոգեկան ծագման, ունենալով միշտ կարոտը իր կորցրած երանական վիճակի: Փրկության հավատը մեղավորին ոտքի է կանգնեցնում, հույսը նրան սպառազինում է, իսկ միայն սերը փրկություն է բերում, Աստուծով և Աստուծո հետ ապրելու համար, գառնալով աստվածաման: Մարդու բարոյական մեծության պայծառ զգացումը փրկության իղձն է: Մարդը, որպես նկարագիր, պատկեր Աստուծո, ապրում է այնքան, որքան իր հոգում կենդանի է այդ իղձը: Արդարև, գեղեցիկ և ճշմարիտ է ասված, որ մարդը միշտ երկինքը երազող ընկած հրեշտակ է, որը կարող է միշտ մտածել իր բոլոր մեղավոր թարթափումների մեջ Աստուծո բարության մասին, եթե իր հոգում հավետ չի շիջել կայծը աստվածայինի, իղձը և հույսը փրկության: Մարդը հոգեպես էլ մահանում է, երբ նրա սրտում ցամաքում է փրկության

իղձը, հույսը: Ով անընդունակ է հավատալու, հուսալու, նա արդեն բարոյական դիակ է: Հավատը չի պողարերում բարացած սրտերում:

«Հայր, մեղայ յերկինս և առաջի բո» Ինքնաճանաչման պայծառ առավոտն է այս, հոգու վերադարձների պահը: Որքան հուսադրիչ է մեղավորի համար մտածել, որ ինքը կորստյան մատնված չէ, լքված, մոռացված չէ: Մարդը հոգեկան, իմացական անգին արժեք է, կարելիություն՝ Աստուծո համար:

Քրիստոնյայի համար մեծագույն մեղքը հուսահատությունն է, այսինքն մեղքի, չարիքի դեմ կռվել չցանկանալու վիճակը: Անառակ, բայց ուղի: Ավետարանի Անառակը ձգտում է փրկության, արդարանալ և ձեռք բերել կորցրած «երանություն»-ը: Նրան մնում է ընկած դրությունից դուրս գալու համար զղջալ, ապաշխարել, հույսը ղենել Աստուծո բարության, գթության վրա: «Դարձի՛ր, Տէր, դարձի՛ր քաղցրութեամբ ի խնամս զթութեան ձրի և ամենաառատ պարգևօք սիրոյ՝ մխիթարել յաւէտ ղորտմեալքս» (Նարեկացի):

Անառակը մեղքի դեմ հաղթանակ տարած, մեղքը պարտության մատնած և իր նախկին աստվածային, մարդկային բնության իրավունքների մեջ վերահաստատված մարդու կերպարն է:

Մեծ պահքի շորորդ կիրակին կոչվում է Տնտեսի կիրակի:

Տնտեսի առակը (Ղուկ. ԺԶ 1—13) առաջին հայացքից կարծես չի կապվում Մեծ պահքի նախորդ կիրակիների խորհրդի, կրոնական մթնոլորտի, պահքի և ապաշխարության գաղափարների հետ: Առակը հետևյալն է: Մեծահարուստ, կալվածատեր մի մարդ ընդարձակ հողեր, կալվածներ ունի, որոնց վրա «տնտես», վերակացու կամ գործերի կառավարիչ է նշանակել մի մարդու, որն աշխատանքի մեջ իրեն չի արդարացնում: Կալվածատերը որոշում է նրան աշխատանքից հեռացնել, կանչում և ասում է. «Այսուհետև չես կարող լինել տնտես, ներկայացրու հաշիվը և հեռացիր»: Տնտեսը, իր ընտանիքի ապագա նյութական կյանքը ապահովելու և իր պատիվը փրկելու համար, խաբեբայությունների է գիմում, կալվածատիրոջ հաշիվին առևտրական զիջումներ է կատարում պարտապաններին և իր տնտեսական ապագան ապահովում: Այդ մասին լսում է կալվածատերը և գովում տնտեսի ճարպիկությունը, «իմաստություն»-ը: Տնտեսը իր ապագան կերտում է ոչ թե սուրիշների կործանումով,

այլ կանգնումով, Հարստությունը նրա համար միջոց է և ոչ նպատակ»:

Ինչպես երևում է, Ավետարանի ամենախրթին և աներթին դժվարություններով լեցուն հատված մըն է» (Օրմանյան) Տնտեսի առակը:

Շնորհալիկ սակայն խորիմաստ կերպով բացատրում է առակի նշանակությունը «Կանոն շորորոդ կիրակէի Աղուհացից» շարականի կանոնում, այն կապելով նորից Մեծ պահքի նախորդ կիրակիների խորհրդի և փրկագործության գաղափարի հետ:

Աղամ դրախտում մեղանչելուց առաջ, արարչագործության «տնտես» էր կարգվել, «անմահ տնկոցն երկրագործ», որի պարտականությունն էր «գործել և պահել», զարգացնել արարչագործությունը. «Եւ ի դրախտն որ յԱդենի, տնտես եղեալ զմարդն առաջին»: Աղամի մեղանչումով հետաձգվեց նաև համագույքի, տիեզերքի ներդաշնակ կատարելագործումը: Մինչ Մարդեղության խորհրդի իրականացումը «ամենայն արարածք հեծեն և երկնեն» (Հովմ. Ը 22—խոսքը նյութական տիեզերքի մասին է):

Ըստ Շնորհալու, այս աշխարհի վրա մարդը նույնպես տնտես է: Կյանքը և իր բոլոր բարիքները աստվածային սեփականություններ են, հանձնված մարդու տնտեսության, խնամքին և հոգատարության: Դրանք լավ հավասարակշռությամբ, իմաստությամբ պետք է գործածի մարդ ի նպաստ իր հոգեկան, բարոյական աճման և կատարելագործության: Եթե, սովորեցնում է Ավետարանը, «որդիք աշխարհի» իմաստուն են, խելք, իրենց գործը իմացող և ամեն ինչ անում են իրենց նյութական շահը ապահովելու համար, որքա՞ն ավելի իմաստություն, արթնամտություն, կամք և վճռականություն պետք է ունենան «որդիք լուսոյ»՝ այսինքն հավատացյալները, ապահովելու համար իրենց հոգեկան օգուտը: «Արարէք ձեզ բարեկամս ի մամոնայէ անիրաւութեան» (Ղուկ. ԺԶ 9): Նյութի վրա հոգու տիրապետություն: Այս է Ավետարանի տեղեկական բարոյականի ռզին: Նյութականը, փողը, հարստությունը միջոց են և ոչ երբեք նպատակ: Մարդը պետք է այն օգտագործի իր հոգեկան կարիքների համար միայն: «Զի՞նչ օգուտ է մարդոյ, եթէ աշխարհս ամենայն շահեսցի և զանձն իւր տուծեսցի» (Մարկ. Ը 36):

Այնուհետև այս աշխարհի վրա Քրիստոսի արյամբ փրկված հավատացյալը, մաքուր կյանքով ապրելու համար, փորձության, մեղքի մեջ չընկնելու համար, միշտ կարիքն ունի Աստուծո լուսին, խորհրդին և առաջնորդության: Հավատացյալը չի կարող հեշ-

տությամբ հասնել աստվածային իր նպատակին, եթե չլինի Աստուծո օգնականությունը, որովհետև նա, կազմված լինելով հոգուց և մարմին նյութից, խաղալիք է երկու հակամարտ, ներհակ ուժերի ձեռքում: Եթե Աստված ձգտում է մարդուն բարձրացնել իրեն, դեպի բարության, կատարելության, սրբության գագաթը, մինչ մեղքը, աշխարհը, ձգում են նրան դեպի վար: Գրավիչ, փորձիչ են աշխարհի հրապույրները և մարդը թույլ և տկար: «Աշխարհ պարտողական գինի է» (Նարեկացի), իսկ, «ո՞վ է մարդ որ կեցցէ և ոչ մեղիցէ»:

Արդարև, իրական, մեծագույն դժբախտությունն այն է, որ մարդը չի կարողանում կտրվել աշխարհից. «յժդիպտոս միշտ ունիս զսրտիդ դարձ» (Նարեկացի):

Մարդը կարող է փորձության դիմանալ միայն Աստուծո հետ ամենօրյա հարաբերությամբ, տևական հաղորդակցության միջոցով, որը կատարվում է աղոթքի շնորհիվ: «Նորոգելով քեզ տաճարացուցեր» (Շնորհալի):

Մեծ պահոց հինգերորդ կիրակին Անիբալդ դատավորի առակով (Ղուկ. ԺԸ 1—18), աղոթքի կարևորությունը և խորհուրդն է մատնանշվում հավատացյալի կյանքի մեջ:

Շնորհալիկն շարականի իր կանոնի մեջ գրում է. «Շնորհեա մեզ յամենայն ժամ լինել քեզ յանդիման մաքուր աղօթիւք»: Աղոթելը արվեստ է, և ամեն մարդ չէ որ կարող է աղոթել: Քրիստոս ևս իր փորձության, դժվարության պահերին, աղոթքով է, որ գտնականդվում, հղորանում էր:

Դատավորի առակը բոլորս գիտենք: Մարդը իր սեփական ուժերով չի կարող հաղթահարել շարիքը: Հավատացյալը Քրիստոսի մեջ ապրելով մեկտեղ, ապրում է մարմնով, բայց պետք չէ որ երբեք նա ենթակա լինի մարմնական բնազդներին. «Ոչ ըստ մարմնոյ գնայցեն» (Հովմ. Է 25): Ուրեմն, մարդը միշտ կարիքն ունի Աստուծո լուսին, իր գործերի, իր խոհերի մեջ: Եվ Աստված մարդու հոգու մեջ միշտ ներկա, զգալի և շոշափելի կդառնա միայն աղոթքի միջոցով, կենդանի, տևական և անձնական հաղորդակցությամբ:

Շնորհալիկն գեղեցկորեն նշում է, որ մարդու մեջ Աստուծո ներկայությունը, արդար դատավորը, մարդու միտքն է. «Դատաւոր աղարարութեան հաստատեցեր ի մեզ զմիտս մեր, դատել զհոգի և զմարմին, արդարապէս դատմամբ»: Ըստ Շնորհալու, միտքը մարդու մեջ Աստուծո ներկայությունն է, բանականության ձայնը, բարու զգացումը: Շնորհա-

լին խնդրում է Աստուծուն, որ «դատավոր միտքը», աստվածային օրենքների համաձայն, միշտ արդար դատաստան անի թերդ ոստիսի մարմնոյ իմոյ», որպեսզի Աստված հաշտվի թերդ այրի եղեալ հոգիս», և բացվեն «իմանալի աչք սրտից մերոց»:

Եթե Անիրավ դատավորը թու ունելով զերկելիզ սուրբ և անպատկառ ի մարդկանէ, ոչ առնէ դատ զրկելոյն», բայց ի վերջո լսում է այրու խնդրանքը, որքա՛ն արդար դատավոր է Աստված, Հայր բարեգութ, որ միշտ լսում է մեղավորի ձայնը և չի կամենում նրա մահը:

Քրիստոսի արյունով փրկված մեղավորը, ուրեմն, աղոթքով ևս մաքրազարդված, վերագտնում է իր հոգու խաղաղությունը, իր աստվածային երանությունը և, աղոթքով զորացած, արթուն պատվիրանապահությամբ և հոգևոր կյանքի զգաստ արթնությամբ, սպասում է Փրկչի գալստյան:

Աղուհացից վեցերորդ կիրակին նվիրված է Փրկչի գալստյան խորհրդին, առաջինը՝ Մաղկազարդի օրը Երուսաղեմ, իսկ երկրորդը՝ աշխարհի վերջում, «յաւուրն յետնում», երբ հավատացյալի առաջ հնարավորություն է բացվում, միանալու համար աստվածության հետ, որ ամենայն կատարելության լուսատիպն է: Շնորհալին, իր շարականի կանոնի մեջ, երգում է. «Մաքրեա գթութեամբ և յօղեա ի Քեզ միութեամբ»:

Քրիստոսի գալուստով իր վերջնակետին է մոտենում փրկագործության խորհուրդը: «Այսօր զուարճացան տիեզերք գալըստեամբ Աստուածորդոյն յԵրուսաղէմ»:

Փրկիչը հաղթական մուտք է գործում Երուսաղեմ՝ «վասն մերոյ փրկութեան»:

«Իսկ նոր Ադամդ ի վեց գարուն, այց արարեր կորուսելոյն»:

Քրիստոս իր կյանքի խաչի վրա պատարագումով տալիս է մարդու փոխարեն Աստուծո արդարության որպես հատուցում, որպես մարդու պարտքը և փրկագինը. «Շիջոյց զբոց մեղացն և մեռեալքս դարձուցեր ի կենսա»:

Մեղավոր մարդը, Քրիստոսով փրկված, աշխարհի փորձությանց հաղթած, պահքով, ապաշխարությամբ և աղոթքով զորացած, հավատով, հուսով և սիրով հրճվալից, իմաստուն կույսի նման, հոգին վառած որպես ճրագ, սպասում է Փրկչի հաւոյթյան փառքին, որը պսակն է փրկագործության խորհրդի:

Մեր Եկեղեցին, ամեն տարի, այսպիսի խորհրդով, սուրբ մտածումներով անցկացնում է Մեծ պահոց այս յոթնյակը, հրավիրելով յուրաքանչյուր հավատացյալի՝ անդրադառնալու իր աստվածային ծագման, մարդկային բնության վեհության և պատասխանատվության, ապրելու համար մաքուր կյանքով, Աստուծո մեջ և Աստուծո համար:

Որպես Եկեղեցի և ժողովուրդ, որքա՛ն կարիքն ունենք Մեծ պահոց այս խորհուրդներին, իրագործելու համար մեր հոգեկան, բարոյական, ինչո՞ւ չէ՞ նաև ազգային և հայրենասիրական կատարելության իղձերը:

Պահե՛նք և մեր կյանքում իրագործենք պահքի խորհուրդը, որպեսզի իրավունք ունենանք ողջունելու Հարության արշալույսը և երգելու:

«Փա՛ռք հրաշափառ յաւուրեան քո, Տէ՛ր»:

Ա. Հ.

